

इवनिंग डोगरी न्यूज़ बुलेटिन

समे .18:15 Hrs

<><><><><><>

Headlines

1. उपराज्यपाल मनोज सिन्हा होरें जम्मू च जम्मू-कश्मीर दे नोजोआनें दी सराहना करदे होई उ'नेंगी तब्दीली आहने आहले वाहक दे तौर पर कम्म करने दा आह्वान कीता।
2. उपराज्यपाल होरें श्री माता वैश्वो देवी जी दी पवित्तर गुफा च पूजा-अर्चना कीती ते पूरे जम्मू-कश्मीर च शांति ते खुशहाली दी कामना कीती, अजें तगर पहले 7 नरातें च 1 लख 50 ज्हार शा मते श्रद्धालुएं माता दे दर्शन कीते।
3. मुखमंत्रि उमर अब्दुल्ला होरें लोकें गी भरोसा दोआया ऐ जे जम्मू-कश्मीर च बरखा कारण होए दे नुकसान करी विकास च कोई रूकावट नेई होग।
4. उत्तर रेलवे 2 अक्तूबर शा जम्मू थमां लम्मी दूरी आहली 8 रेल गड्डिएं गी परतिये शुरू करोग।
5. जम्मू संभाग च कल्लै थमां स्कूलें दे समें च बदलाव कीता गेआ ऐ, मौसम विभाग नै भविष्यवाणी कीती ऐ जे अगले हफ्ते उच्ची धारें आहले इलाकें च पैहली बर्फबारी होने दे असार ना।

<><><><><><>

LG-Yuva Shakti

उपराज्यपाल मनोज सिन्हा होरें जम्मू च इंदिरा गांधी नेशनल सेंटर फॉर आर्ट्स ते जम्मू दे संभागीय प्रशासन आसेआ आयोजित विकसित भारत के रंग कला के रंग कार्यक्रम दे समापन समारोह च हिस्सा लैता। इस मौके पर विद्यार्थिं गी संबोधित करदे होई उपराज्यपाल होरें जम्मू-कश्मीर दी युवा शक्ति दी सराहना कीती ते उनेंगी बदलाव दे अगुवाह बनने लेई आखेआ। उनें आखेआ जे भारत गी नजरिए ते कारवाइएं स्थाबै विकसित मुख्य बनाने आस्तै युवाएं दी बड़ी मती जिम्मेदारी ऐ। सेवा पर्व दी गल्ल करदे होई उनें आखेआ जे सेवा पर्व युवाएं गी भविक्ख दिएं चुनौतिं कन्नै निब्बड़ने लेई तैयार करा'रदा ऐ ते उन्दे च सकारात्मक बदलाव आहना रदा ऐ। रचनात्मक ते किश करिए दस्सने दी भावना उनेंगी भविक्ख दे नेता, अगुवाह ते निर्माता बनाग। ओहू भारत दे विकास गी रूप देङन। इस मौके पर बोलदे होई उपराज्यपाल होरें आखेआ।

<><><><><><>

LG-Obeisance

उपराज्यपाल मनोज सिन्हा होरें अज्ज महाअष्टमी दे पावन मौके पर पवित्र श्री माता वैश्वो देवी जी दी गुफा च मत्था टेकेआ। इस मौके उपराज्यपाल होरें रिवायती रस्में गी अंजाम दित्ता ते केंद्र शासित प्रदेश दे सब्बनें बसनीकें दी शांति, खुशहाली ते कुशलता आस्तै प्रार्थना कीती। एल.जी होरें लोकें गी गर्मजोशी कन्नै मुबारकबाद दित्ती ते उन्दे सेहतमंद रौहने दी कामना कीती। तोआई, नरातें दा उत्सव श्रद्धा ते उत्साह कन्नै जारी ऐ। पैहले 7एं नरातें च 1 लक्ख 50 ज्हार शा मते श्रद्धालुएं वैश्वो देवी जी दी पवित्तर गुफा च मत्था टेकेआ। जात्तरा पर आए दे बड़े मते उत्साहित श्रद्धालुएं इस बारै आखेआ।

<><><><><><>

CM-Water Supply

मुख्यमंत्री उमर अब्दुल्ला होरें केंद्र शासित प्रदेश दे लोकें कन्नै सरकार आसेआ कीते गेदे वायदें गी पूरा करने आहले धेइयै गी इक बारी फ्ही दोहराया। उनें आखेआ जे इनें वायदें गी पक्क गै पूरा कीता जाग बशक्क हाल च होई दी बरखें करी बड़ा मता नुकसान होआ। एहू गल्ल मुख्यमंत्री होरें अनंतनाग च पानी सप्लाई स्कीमें दी शुरूआत करने मगरा आक्खी। मीडिया कर्मिणं कन्नै गल्ल करदे होई मुख्यमंत्री होरें आखेआ जे विकास कम्म जारी रौहडन ते उंदा लाहू हर व्यक्ति तगर विजन चिर लग्गे दे पुज्जना लोडचदा। उनें आखेआ जे रमानदारी बहाल करना ते विकास गी गति देना मुख्य प्राथमिकता रौह्ग। उनें आखेआ।

<><><><><><>

Seva Parv NEP

सेवा पर्व दी विशेष श्रृंखला दे हिस्से दे तौरा पर अज्ज अस इस गल्लै गी उजागर करगे जे किस चाल्ली मोदी सरकार राश्ट्री शिक्षा नीति-2020 दे राणं इक आधुनिक, समावेशी ते भविक्ख लेई तैयार शिक्षा प्रणाली तैयार करा'रदी ऐ। जून 2020 च शुरू कीती गेदी राश्ट्री शिक्षा नीति दा मकसद भारत दे शिक्षा परिदृश्य गी बदलना ऐ। एहू कौशल विकास, स्कूल स्तर थमां बवसायिक प्रशिक्षण, बहुभाशी शिक्षा ते बुनियादी साक्षरता पर ध्यान केंद्रित करदी ऐ। इस नीति च शैक्षणिक ते बवसायिक ढांचे बश्कार सख्त फर्क गी खत्म कीता गेआ ऐ ते समग्र ते लचीली शिक्षा प्रणाली गी बढ़ावा दित्ता गेआ ऐ। प्रधानमंत्री नरेंद्र मोदी होरें आखेआ ऐ जे राश्ट्री शिक्षा नीति दा मकसद मुख्य भरै च हर इक विद्यार्थी गी बरोबरी दे शिक्षा दे मौके उपलब्ध करोआना ऐ। उनें आखेआ।

<><><><><><>

Prog. Announcenent

आकाशवाणी जम्मू दा क्षेत्रीय समाचार एकांश “सेवा पर्व 2025” दे तैहत अपने विशेष कार्यक्रमें दी शृंखला दा 8मां ते अखीरी कार्यक्रम वीरवारें 2 अक्तूबर 2025 गी बडुलै साड्डे 9 बजे प्रसारत करने जा’रदा ऐ। 30एं मिन्टे दे इस विशेष कार्यक्रम दा विषय ऐ- “दफा 370 गी खत्म करने दे बाद जम्मू-कश्मीर च बदलाव”। इस कार्यक्रम च स्हाड़े परौहने होङन अनुभवी इतिहासकार, लेखक ते सियासी विश्लेषक प्रो. हरिओम जेह्ड़े इस विषय दे बक्ख-बक्ख पहलुएं पर अपने विचार सांझे करङन। इंदे कन्नै गल्लबात करङन स्हाड़े न्यूज एंकर जगमोहन शर्मा ते आलम खान। एह कार्यक्रम वीरवारें 2 अक्तूबर बडुलै साड्डे 9 बजे स्हाड़े इससै चैनल पर मीडियम वेव 303 मीटर यानी 990 किलोहर्ट्स ते 100 इशारिया 3 मैगाहर्ट्स पर प्रसारत कीता जाहग।

<><><><><><>

Trains-Resume

उत्तर रेलवे नै घोशणा कीती ऐ जे अगस्त म्हीने भारी बरखा ते हाड़ें करी क्षतिग्रस्त होई दिएं पटरिं दी मरम्मत कीते जाने दे बाद जम्मू रेलवे स्टेशन थमां लम्मी दूरी आहली 8 रेल गड्डियां 2 अक्तूबर थमां परतियै शुरू होई जाङन। जम्मू-पठानकोट ते जम्मू-कटड़ा रूटें पर रेल सेवां बुरी चाल्ली प्रभावित रेइयां जेदे चलदे 50एं शा मतियां रेल गड्डियां स्थगित करी दित्तियां गेइयां हियां। सेवाएं गी हून बल्लें-बल्लें बहाल कीता जा’रदा ऐ। प्रभावित हिस्सें दा बरोबर आंकलन करने दे बाद एह फैसला लैता गेआ ऐ। सीनियर डिविजनल कमर्शियल मैनेजर उचित सिंघल होरें इस गल्लै दी तसदीक कीती ऐ जे रेल पटरियें दी सुरक्षा पूरी चाल्ली यकीनी बनाने दे बाद गै रेल गड्डियां परतियै शुरू होई जाङन। यात्रियें गी सलाह दित्ती जंदी ऐ जे ओहू नमें कार्यक्रम आस्तै उत्तर रेलवे दी वेबसाइट दिक्खन।

<><><><><><>

School Timing Jammu

स्कूली शिक्षा निदेशालय जम्मू नै जम्मू खित्ते दे सारे सरकारी ते निजी स्कूलें दे समें च बदलाव कीता ऐ। आकाशवाणी जम्मू संवाददाता दी रिपोर्ट मूजब निदेशालय नै इस सरबंध्यै च हुक्म जारी कीता ऐ। हुक्मै मूजब गर्मिण आहली जोन हेठ पौंदे सारे सरकारी स्कूल अक्तूबर थमां बडुलै 9 बजे थमां लेइयै दपैहरी 3 बजे तगर लग्गडन ते नवरंबर थमां एह स्कूल बडुलै साड्डे 9 बजे थमां दपैहरी साड्डे 3 बजे तगर लग्गडन। हालांकि जम्मू म्युनिसिपल दी हद च औने आहले स्कूल 9 बजे थमां 3 बजे तगर लग्गडन। स्यालै आहली जोन हेठ पौंदे सारे स्कूल अक्तूबर पेहली थमां बडुलै साड्डे 9 बजे थमां दपैहरी साड्डे 3 बजे तगर लग्गडन। नियमें दी खिलाफवर्जी करने आहलें खिलाफ सख्त कार्रवाई कीती जाग।

<><><><><><>

Weather

मौसम विभाग नै जम्मू-कश्मीर च औने आहले दिनें दरान मौसम खुश्क बने दे रौहने दी पेशगोई कीती ऐ, पर अक्तूबर दे पैहले हफ्ते च इस मौसम दी पैहली बर्फबारी उच्चिण धारें पर होई सकदी ऐ। विभाग नै आखेआ ऐ जे 4 अक्तूबर दपैहरी मगरा तगर मौसम आमतौर पर खुश्क बने दा रौहग। 5 थमां 7 अक्तूबर तोड़ी हल्की थमां दरम्याने दर्जे दी बरखा होई सकदी ऐ।

<><><><><><>
